庫全書

子部

性理天全卷二九

總校官編修臣即再馨

命也三者未當有異窮理則盡性盡性則知天命 / 赋為命物所受為性 口性循性口道性也命也道也 性見於事物之謂理理也性 天之付與

多庆四库全·言 朱子曰理者天之體命者理之用性是人之所受情是 龜山楊氏曰性天命也命天理也道則性命之理而已 華陽范氏曰性者天所賦於人命者人所受於天 張子曰天授於人則為命人受於天則為性 性之用 孟子道性善蓋原於此 化之謂也 矣天命猶天道也以其用而言之則謂之命命者造 命猶語物性猶職事情猶施設心則其 巻二十九

地之性則專指理言論氣質之性則以理與氣雜而 事上說如言盡性便是盡得此君臣父子三網五常 理至著之事一以貫之略無餘欠非虛語也 之道而無餘言養性便是養得此道而不害至微之 也受者性也所受者理也 言之非以氣為性命也 命曰氣不可謂之性命但性命因此而立耳故論 天所賦為命物所受為性賦者命也所賦者氣 問天與命性與理四者之 聖賢說性命皆是就實 問 性

金克匹度,全書 中遂分别成許多萬善大網只如此然就其中須件 何 者言之性則就其全體而萬物所得以為生者言之 件要徹回固是如此又須看性所因是如何回當初 之則天即理也命即性也性即理也是如此否曰然 理則就其事事物物各有其則者言之到得合而言 别天則就其自然者言之命則就其流行而賦於物 曰天命之性萬理完具總其大目則仁義禮智其 問看道理須尋根原來處只是就性上看否曰

北溪陳氏曰性即理也何以不謂之理而謂之性蓋理 道理受於天而為我所有故謂之性性字從生從心 去做官性如官職官便有職事 是人生來具是理於心方名之曰性其大目只是仁 是汎言天地間人物公共之理性是在我之理只這 栗得來便為我所有天之所命如朝廷指揮差除人 只是理萬理之總名此理亦只是天地間公共之理 天地間元有這箇渾然道理人生稟得便是性曰性 生里大生 日

氣蓋二氣流行萬古生生不息不成只是箇空氣必 之亨在我謂之禮得天命之利在我謂之義得天命 字有二義有以理言者有以氣言者其實理不外乎 之貞在我謂之智性與命本非二物在天謂之命在 義禮智四者而已得天命之元在我謂之仁得天命 有主宰之者曰理是也理在其中為之樞級故大化 曰元亨利員天道之常仁義禮智人性之綱 一謂之性故程子曰天所賦為命人所受為性文公

多好四库全書

卷二十九

とういりまたいす 是就氣上指出箇理不雜乎氣而為言耳如天命之 子於物者而言則謂之天命如就氣說却亦有兩般 謂性五十知天命窮理盡性至於命此等命字皆是 非命也之命是乃就受氣之短長厚薄不齊上論是 元亨利貞之理而言則謂之天道即此道之流行賦 專指理而言天命即天道之流行而賦予於物者就 流行生生未當止息所謂以理言者非有難乎氣只 般說貧富貴賤毒天禍福如所謂死生有命與莫 性理大全書

藏處為貞於時為冬貞者正而固也自其生意之已 為亨於時為夏物之成遂處為利於時為秋物之敛 氣上論則物之初生處為元於時為春物之發達處 命分之命又一般如孟子所謂仁之於父子義之於 定者而言故謂之正自其斂藏者而言故謂之固就 元亨利貞此四者就氣上論也得就理上論也得就 君臣命也之命是又就禀氣之清濁不齊上論是説 人之智愚賢否若就造化上論則天命之大目只是

會齊許氏曰凡言性者便有命凡言命者便有性 臨川吳氏曰夫善者天之道也人之德也天之道孰為 とこりョ シュラ 善仁義禮智備具一心而謂之性者也是善也天所 善元亨利負流行四時而謂之命者也人之德孰為 那物便是分付命令他一般 只是大化流行氣到這物便生這物氣到那物又生 之遂貞者生理之固 理上論則元者生理之始亨者生理之通利者生理 性理大全書 命猶令也天無言做如何命 £

程子曰民受天地之中以生天命之謂性也孟子言性 賢也夫所生之民無不有是則人所東之異無不好 樂於就下也無他順其自然而已矣 是徳也人之善也猶水之下人之樂於為善猶水之 付於人人所受於天也天之付於人者公而無私人 之受於天也同而不異雖或氣質之不齊而其善則 也不必皆自誠而明之聖也不必皆自明而誠之 性

聖人因事以制名故不同若此而後之學者隨文析 者謂之心自性之有動者謂之情凡此數者皆一也 果惡耶則聖人何為能及其性以至於斯也 義求奇異之說而去聖人之意遠矣 善性之本謂之命性之自然者謂之天自性之有形 之善謂之道道與性一也以性之善如此故謂之性 也人性皆善所以善者於四端之情可見 之善是性之本孔子言性相近謂其稟受處不相遠 生理シグロ 自性而行皆 稱性

金克匹庫全書 邵子曰性者道之形體也道妙而無形性則仁義禮智 善也聖人因其善也則為仁義禮智信以名之以其 言之亦皆道也舎此而行是悖其性也是恃其道也 施之不同也故為五者以别之合而言之皆道别而 具而體著矣 未體其性也數其亦不知道之所存數 而世人皆言性也道也與五者異其亦弗學數其亦 金作器比性成形曰金可以比氣不可以比性 或曰其欲

延平李氏曰動靜真偽善惡皆對而言之是世之所謂 朱子性圖 而觀則其致可求苟自善而觀則理一而見二 無異性也性惟不可見孟子始以善形之惟能自性 静於未始有動之先而性之靜可見矣求真於未始 動靜真偽善惡非性之所謂動靜真偽善惡也惟求 而性之善可見矣 有偽之先而性之真可見矣求善於未始有惡之先 天下之理無異道也天下之人 生里七全

金岁工匠台雪 朱子曰性 成之者性這箇理在天地間時只是善無有不善者 謂 理然性之得名是就人生稟得言之否曰繼之者善 理之所具便是天徳在人識而體之爾 在處為性 性 不善 即 無 性則純是善底 理也在心與做性在事與做理 善惡無發是惡 性是實理仁義禮智皆具 性是天生成許多道理散 問性固是 性天理也 生之理

70.10 m. 1.1. 先善在後或舉孟子道性善曰此則性字重善字輕 到動極復靜處依舊只是理曰這善也是性中道理 未發善是已發何也曰纔成箇人影子許多道理便 者性也在天地言则善在先性在後是發出來方生 到此方見否曰這須就那地頭看繼之者善也成之 人物發出來是善生人物便成箇性在人言則性在 都在那人上其惻隱便是仁之善羞惡便是義之善 生物得來方始名曰性只是這理 生理大金 問先生謂性是

金厂 然明白更無纖毫室礙故曰天命之謂性不只是這 简道理譬如畫日當空一念之問合著這道理則 討將去那裏不可體驗只是就自家身上體驗一 父子有父子之理君臣有君臣之理 内 口工人人了了一 對言也 性者道之形體也此一句最好蓋是天下道理尋 有處處皆有只是尋時先從自家身上尋起所以 便是道之全體千人萬人一 問性既無形復言以理理又不可見曰 巻二十九 切萬物無不是這 世間只是這 性 餃

句 漢散殊而莫見其實惟求之於性然後見其所以 非 都 道 物當然之理也事物之理固具於性但以道言則冲 智性也理也而具此性者心也故曰心者性之郛郭 恁地 問性者道之形體回性者人所專受之實道者事 性 極 理不特自家有他也有不特甲有己也有天下事 好蓋道即理也如父子有親君臣有義是也然 何以見理之所在故曰性者道之形體仁義禮 性者道之形體心者性之邪郭康節追數 生理大全

金罗田正一会一 性 道之實初不外乎此也中庸所謂率性之謂道亦以 物之間如何見得只就這裏驗之身而求性之所 此而言耳 須是就已驗之而後見如父子有親君臣有義若不 物我皆有恐不可分在已在物否曰道雖無所不在 則道之所在也道是在物之理性是在已之理然 中之理曰道是泛言性是就自家身上說道在事 理都在我此理之中道之骨子便是性劉砥問性 因言性如何是道之形體陳淳曰道是 物 有

理總說出只是虚空更無形影惟是說性者道之 諸先生說這道理却不似邵子說得最著實這箇道 子等書皆無依稀似此 說心許多皆未有似此語端的子細看便見其他諸 否曰是也如横渠心統性情一句乃不易之論孟子 驗之方知得五禮有庸陳淳問心是那郭便包了性 我驗之方知得五典五惇天秋有禮禮是天底自我 已驗之如何知得是本有天似有典典是天底自 生黑大主動 問所謂道之形體如何 曰

體却見得實有不須該空說遠只反諸吾身求之是 其用謂之神而其理屬之人則謂之性其體屬之 句最說得好又曰天之付與其理本不可見其總要 之實有者當求之吾性分之內邵子忽地自說出幾 實有這箇道理還是無這箇道理故當日欲知此道 形象不於性上體認如何知得程子謂其體謂之道 却在此蓋人得之於天地元無欠關只是其理却無 則謂之心其用屬之人則謂之情又曰道是發用處

金好正广全書

是用也性中只有仁義禮智而已昌當有孝弟來此 善恶名盖善者無惡之名夫其所以有好有惡者特 智四字言之最為端的率性之道便是率此之性無 見於行者方謂之道性是那道骨子性是體道是用 非是道亦離此四字不得如程子所謂仁性也孝弟 何不可之有 以好善而惡惡耳初安有不善哉然則名之以善又 如云率性之謂道亦此意 答胡廣仲曰天命之性只以仁義禮 答張敬夫曰性不可以

銀定四庫全書 然者又曰伊川云天地儲精得五行之秀者為人其 馬曰喜恕哀樂愛惡欲情既熾而益蕩其性鑿矣詳 在性中只謂之仁而不謂之父子兄弟之道也君臣 本也真而靜其未發也五性具馬曰仁義禮智信 之分朋友之交亦性之所有然在性中只謂之義而 語亦可見矣蓋父子之親兄弟之受固性之所有然 既生矣外物觸其形而動於中矣其中動而七情 謂之君臣朋友之道也推此言之曰禮曰智無不 卷二十九 形 出

Je Jana La Lana 是也至謂静字所以形容天性之妙不可以動静真 感時言耳當此之時心之所存渾是天理未有人欲 節與不中節之間耳來教所謂正要此處識得真妄 味此數語與樂記之說指意不殊所謂靜者亦指未 庸發字無異而其是非真妄特決於有節與無節中 妄言却有疑馬蓋性無不該動靜之理具馬若專以 分矣然非性則亦無自而發故曰性之欲動字與中 之偽故曰天之性及其感物而 性理大全書 動則是非真妄自此

金ダ 馬但無妄耳今乃欲并與其真而無之此韓公道無 感物之前私欲未前渾是天理耳不必以靜字為性 言其初未感乎物明道云人生而靜之上不容說纔 静者真靜兩字亦自不同蓋真則指本體而言靜但 真假之言所以見識於明道也伊川所謂其本真而 静字形容則及偏却性字矣既以靜為天性只謂未 說性時便已不是性矣蓋人生而靜只是靜之未發 妙也真妄又與動靜不同性之為性天下莫不具

欠こう・人二日 真而未始有妄也主乎静而涵乎動也顧曰善惡真 則亦無物之可指矣今不知性之善而未始有惡也 補其意曰如廣仲之言既以靜為天地之妙又論性 不名為善不與動對則不名為靜矣既非妄又非真 惡對者云爾應之宜曰善惡也真妄也動靜也 不可以真妄動靜言是知言所謂歎美之善而不與 但於此可見天性之全非真以靜狀性也書葉後復 後一 被一此皆以對待而得名者也不與惡對則 性理大全書 土 先

當時 靜 無 對之善與靜馬然後 如 妄動靜凡有對待皆 分 性則可 為未感此亦是也然當云下文所謂未發 此則語意圓矣如論程子真静之說 不該不可專以靜言此固是也然其說當云性 雖屬乎靜而其蘊 酬對既 如廣仲遂以静字形容天性之妙 不出此而他 則該 可以形容天性之 可以言性而對待之外别有無 動靜而不偏故樂記以 所自言亦多曠闕 以真為本 妙不亦異乎 即静之 則不 如 論 靜 體 性 可

動 此 渾然天理也感物而動性之欲者言及其有感便是 乃所 謂也所謂五性即真之謂也然則仁義禮智信云者 方是惡故聖賢說得惡字煞運 形馬好惡無節於內知誘於外不能反躬天理滅矣 理之發也 性之欲此亦未是不善至於物至知知然後好 生而静天之性者言人生之初未有感時便是 謂未發之蘊而性之真也與如此則文義備矣 人生而靜天之性未當不善感物而 生里した 答林 擇之曰靜

弘定四庫全書 痒 静者性之真也 湛然而已豈非當體本然未當不靜乎惟風於物是 老而言之所以不能不異在諸子中最為近理蓋 只是不識性字揚子鶥鶥突突首子又所謂隔靴 明 乃指未感本然言蓋人生之初未感於物一性之真 有 乃性字安順不著 韓子說所以為性者五而今之言性者皆雜佛 動然所感既息則未有不復其常者故當以為 諸儒論性不同非是於善惡上不 巻二十九 聖人只是識得性百家紛 爬 紛

塊之物磊塊其間皆是錯看了也須知性之為體 吾儒之言則性之本體便只是仁義禮智之實如老 離 却為不曾晓得自家道理只見得他說得熟故如 佛之言則先有箇虚空底性後方旋生此四者出來 不能無疑又總見說四者為性之體便疑實有此 渾 此四者而四者又非有形象方所可撮可摩也 然亦說性是一箇虚空底物裏面包得四者今人 炊 理之中識得箇意思情狀似有界限而實 生里ここが 1 此 四 但

新定正庫全書 南 此 為善之類是於發處教人識取不是本體中元來有 軒張氏答胡伯遵曰性善之說詳程子之言謂人生 可於用處看便省力耳 亦只於發處言之如言四端又言乃若其情則可以 静以上更不容說才說性時便已不是性繼之 非有墙壁遊欄分別處也然此處極難言故孟子 如何用處發得此物出來但本體無著換處故只 說性只是說繼之者善也孟子言人性善是也 卷二十九 曰

或問性中具仁義禮智道德如何潛室陳氏曰行是四 東菜吕氏曰惟皇上帝降東于下民天命之謂性也若 得而名之此孟子之言所以為有根底也但所謂善 者要人能明之耳若曰難言而遂不可言曰不容説 者即為道得是四者即為德 有恒性率性之謂道也 而遂不可說却恐渺茫而無所止也 但請詳味此語意自可見大抵性固難言而惟善可 性里大全書 大

北溪陳氏曰孟子道性善從何而來孔子繋解曰一陰 得此善底道理去各成窗性耳是太極之靜而陰時 是简善而已此是太極之動而陽時所謂善者以實 善乃是就其間說造化流行生育賦予更無別 理 陽之理者為道此是統說简太極之本體繼此者為 陽 性字與善字相對是 言即道之方行者也到成此者為性是說人物受 之謂道繼之者善也成之者性也所以一陰 即所謂善而理之已定者也 扬 只

金灰匹尼全言

卷二十九

こったりってんたる 也易三言周子通書及程子說已明備矣至明道又 言此性之純粹至善耳其實由造化原頭處有是繼 所謂善實淵源於夫子所謂善者而來而非有二本 之者善然後成之者性時方能如是之善則孟子之 善則是就成之者性處說是人生以後事善乃輕字 前造化原頭處說善乃重字為實物岩孟子所謂性 相應是指理而言此夫子所謂善是就人物未生之 繼成字與陰陽字相應是指氣而言性善字與道字 性理大全書 艾

金テロ 西山真氏曰仁義禮智信之性古人謂之五常君臣父 義父子之仁夫婦之别長幼之序朋友之信其實則 而言則曰仁義禮智信以性之用而言則曰君臣之 子夫婦昆弟朋友之道古人亦謂之五常以性之體 易語移就人分上說是指四端之發處言之而 謂孟子所謂性善者只是說繼之者善也此又是借 之本音也 而已天下豈有性外之理哉 非 易

程子曰天降之謂性率性之謂道者天降是於下萬物 率 是人是物 不做牛底性牛則為牛之性又不為馬底性此所 謂 派 損 性也人在天地之間與萬物同流天幾時分别出 矣 道也此亦通人物而言循性者馬則為馬之性 形 物之性 各正性命是所謂性也各正性命而不失是所 禽獸與人絕相 無妄天性也萬物各得其性一毫不加 性聖: 似只是不能推然禽獸之 謂

金完正庫全·言 學也其他皆誘之也 窮源之性 子生之謂性為不然者此亦性也被命受生之後謂 是靈却斯喪處極多只有一件嬰兒飲乳是自然非 之性爾故不同繼之以犬之性猶牛之性牛之性猶 自然不待學不待教如營巢養子之類是也人雖 之性軟然不害為一若乃孟子之言善者乃極本 之於性猶器之受光於日日本不動之物 鉛鐵性殊點化為金則不辨鉛鐵之性 基二十九 孟子言性當隨文看不以告

藍田吕氏曰人受天地之中其生也具有天地之徳柔 張子曰天下凡謂之性者如言金性剛火性熱牛之性 者牢不可開厚者可以開而開之也難薄者開之也 强昏明之質雖異其心之所然者皆同特蔽有淺深 易開則達于天道與聖人 塞所以有人物之别由蔽有厚薄故有智愚之别塞 馬之性也莫非固有 别而為昏明禀有多寡故分而為强柔至於理之 生里ここ 凡物莫不有是性由通報開

金厂四厚全書 ρή 拗 然故能盡人之性蔽有淺深故為昏明蔽有開塞故 為人物專有多寡故為强柔稟有偏正故為人物故 明偏而不正故才不若人之美然人有近物之性者 物之性與人異者幾希惟塞而不開故知不若人之 不盡其性則天地之化成矣 有近人之性者亦繫乎此於人之性開塞偏正無 不盡則物之性未有不能盡也已也人也物也莫 同然雖聖愚有所不異盡已之性則天下之性皆 巻二十九

朱子曰天之生物也一物與一無妄 2.10 7.1. 河東侯氏曰萬物資始於天天所賦與者為命命天之 物蓋有此物則有此性無此物則無此 展不待教而知之豈非率性乎 訓 所命也物受命於天者為性性物之自有也草木之 仁義禮智曰此猶是說成之者性上面更有一 齊飛走之具稟然而動者動植者植天機自完豈 性乎馬之性健而健牛之性順而順犬吠盗雞司 生聖大全書 天 性 下無無性 7 問性 陰

金牙匹尼全書 岩與 字當 為時 性所 受言物生 其偏正之中又自有清濁昏明之異 間 是四者雖尋常民蟲之類皆有之只偏而不全濁氣 陽繼之者善只一陰一陽之道未知做人做物已具 旦 隅 人無異而人之仁義禮智之粹然者物則無也 好 兩 存之 则 物之生具賦形偏正固自合下不同然隨 W 明暗物之 有性而各具是道也 性只是偏塞暗者可使 問人物之性一源何以有異 物物運動蠢然 性者物之所 之明

FIY " U(1) 是說方付與萬物之初以其天命派行只是一 則氣猶相近而理絕不同或問理同而氣異此 耳 極重者不可反亦在乎識之淺深與其用力之多寡 問人之習為不善其獨已深者終不可復反矣曰勢 由 開厚者可以開而開之也難薄者開之也易是也又 也偏塞者不可使之通也横渠言凡物莫不有是性 通嚴開塞所以有人物之别而卒謂塞者牢不可 論萬物之一 原則理同而氣異觀萬物之異體 性理大全省 **1** 句

金りし 弒 點子明虎狼之父子只是他仁上有一點子明其 物 理 五之氣故氣相近以其昏明開塞之甚遠故理絕 更推不去恰似鏡子其他處都暗了中間只有一 同 都 中庸是論其方付之初集註是看其已得之後 物已得之後說以其雖有清濁之不同而 同以其二五之氣有清濁純駁故氣異下句是就 相近如知寒煖識飢飽好生恶死趙利避害人與 般理不同如蜂蟻之君臣只是他義上有 同 ルし 他 兩 回 不

愛底人少斷制斷制之人多殘忍蓋仁多便速了義 了曰婦人之仁只派從愛上去 義多便遊了 那仁問所以婦人臨事多怕亦是氣偏 點子光大凡物事稟得一邊重便占了其他底 如慈 惟其所受之氣只有許多故其理亦只有許多如犬 固是氣有昏明厚薄之異若在物言之不知是所禀 理便有不全耶亦是緣氣稟之昏蔽故如此 理以為性皆受天地之氣以為形若人品之不同 生理七全書 問人物皆禀天地 主 耶曰

多克匹 太 性 所 偏 形之分有剛柔昏明者非性也有三人馬皆 非 理言之 有近 故吕與叔謂物 謂 他這形氣如此故只會得如此事又 極 惟 库全言 性者人物 則是理無不全也曰 人有是而 物 之性者 則無不全以氣言之 抄 之 亦 ÞÍT 各如 卷二十九 有是 同得 性 愚世 人上 有近人之性者 謂之全亦可謂之偏亦 訓 問 問 惟已有是而人亦有是 能推言之 性為 吕典叔云性 萬物之一 乳如 問 之猫 則 物 物 類相 不 b 能無 人之 源 具 E 派 曰 可

杳濁 喻人物之性亦好頃當以日為喻以為大明當天萬 有厚薄爾竊謂此言分别得性氣甚明若移此語以 之中三人所見昏明各異豈目不同乎隨其所居蔽 之全體未當有小大只為隨其所居而小大不同耳 物成都亦此日耳部屋之下容光必照亦此日耳日 别乎色一居乎密室一居乎惟箔之下一居乎廣廷 知亦可如此喻人物之性否曰亦善 不同則天命之性有偏全否曰非有偏全謂 性理大全書 主 問無質有

金万四日人人丁丁 物只不會說話而已到得夷狄便在人與禽獸之間 處至於虎狼之仁豺獭之祭蜂蟻之義却只通這些 蔽塞有見有不見昏濁者是氣昏濁了故自蔽塞如 亦是此性只被他形體所拘生得蔽隔之甚無可通 在部屋之下然在人則蔽塞有可通之理至於禽獸 日月之光岩在露地則盡見之治在部屋之下有 所以終難改 順之光至於編猴形狀類人便最**雪於他** 性 卷二十九 日光人物所受之不同如隙

九三日中人二百 題 但人 青椀中又是一般色又曰性最難說要說同亦得要 却只是此日 說異亦得如隙中之日隙之長短大小自是不同然 傾 之受光有大小也人物被形質局定了也是難得開 放白椀中是一般色及放黑椀中又是一般色放 坳 如螻蟻 物之禀受自有異耳如一 性同曰人物性本同只氣稟異如水無有不清 如此小便只知得君臣之分而已 物之生天賦之以此理未當不同 性理大全書 江水你將杓去取 声 或說

氣 問 推 器量不同故理亦隨以異 得一杓將稅去取只得一 請異者同者具理也 異者其氣也必得是理而後有 謂同者而二氣五行 同又知其所以異然後可以 白調 形二氣形而萬 人物之性有所謂同者又有所謂異者知其所以 物無此理不得只是氣昏一似都 化生人與物俱本乎此 組縕交感萬變不齊則是其所 椀至於一 論性矣夫太極動而 問 則能 桶 推 一缸各自 則是其所 無了 物 則不能 隨

次 全日車 全書 或贱而有所不能齊者蓋以此也然其無雖有不齊 而得之以為性者人則獨異於物故為知覺為運動 得其正且通者為人得其偏且塞者為物是以或貴 得是氣而後有以為人物之形則所謂異者亦不得 而得之以有生者在人物莫不皆有理雖有所謂 則萬物一原固無人物貴賤之殊以其氣而言之則 而同也是以先生於大學或問因謂以其理而言之 以為人物之性則其所謂同然者固不得而異也必 性理大全書 同

同而 亦以為以氣言之則知覺運動人物若不異以理言 其所謂異者此所以見闢於孟子而先生於集註則 乎告子乃欲指其氣而遗其理格於其同者而不知 者此氣也為仁義為禮智者此理也知覺運動人能 則言理同而氣異者所以見太極之無虧欠而非有 之物亦能之而仁義禮智則物固有之而豈能全之 則仁義禮智之稟非物之所能全也於此則言氣 理異者所以見人之為貴非物之所能並於彼

CALD IBL Ardin 我之所得私也以是觀之尚何疑哉有以集註或問 故是理塞而無所知且如人頭圓象天足方象地平 且有條理 且塞者惟人得其正故是理通而無所塞物得其偏 粗之不同自 **興同為疑者答之如此未知是否曰此論得甚分明** 正端直以其受天地之正氣所以識道理有知識物 粗而言則人得其氣之正且通者物得其氣之偏 二氟五行交感萬變故人物之生有精 氣而言之則人物皆受是氣而生自 性理大全書 ニナス

金にてたノンフリカ 在上物之間有知者不過只通得一路如為之知孝 受天地之偏氣所以禽獸横生草水頭生向下尾反 父子蜂蟻之君臣豺獭之報本雅鳩之有别物雖得 無不能人所以與物異者所爭者此耳 獨之知祭犬但能守禦牛但能 明而已人則無不知 之全體乃為物欲氣稟所昏反不能如物之能通其 處而全盡何也曰物只有這一處通便却專人却 偏然微頭微尾得義理之正人合下具此天命 卷二十九 問虎狼之

ていてい 别他都無知了 所以無知猿祖稍靈為他頭有時也 有通處如猿狙之性 孰為親切曰與叔倒分明似横渠之說看來塞中也 所以最靈草本頭向下所以最無知禽獸之頭横 不同處本乎天者親上本乎地者親下如人頭 氣熏之偏全而不同不知草本如何曰草木之氣又 事事理會得些便却泛泛所以易昏 或問通蔽開塞張横渠吕與叔 生里上全 即重猪則全然蠢了便是通 似人故稍 問人與物以 1+6 向 向上 説

多户四 同 野狐能人立故能為怪如猪則極昏如草木之類荔 無複與人通之理如 明發見處可見如螻蟻君臣之類 上 北 上 2 莫只是大綱言其本同出若論其得此理莫已不 而 别 如人雖氣稟異而終可 問程子云人與物共有此理只是氣昏推不得 理同則可謂之性同則不 曰 间 回 既 同 則以分人物之性者 卷二十九 獼猴形與人略似 同 捌 可回固然但隨其光 但其票形既 則終不可同然則 則便有能解 却是於通塞 别 则

Charly mer Clark 義亦甚密皆不易之至論也蓋天之生物其理固無 枝牡丹乃發出許多精英此最難晓 差别但人物所禀形氣不同故其心有明暗之殊而 往有全不全之異耳若所謂仁則是性中四德之首 名合虚與氣有性之名合性與知覺有心之名其名 理者也張子又言由太虚有天义名由氣化有道之 天地和平之氣 句自古無人敢如此道心則知覺之在人而具此 答徐子融曰程子言性即理也此 性理大全書 一十八二 草一木皆

金子正匠人 故能全此四德而發為四端物則氣偏駁而心昏蔽 生 惡惡以為義則有所不能矣然不可謂無是性也若 亦有僅存而不昧者然欲其克已復禮以為仁善善 在是物者亦隨其形氣而自為一物之理雖若不可 固 物之無知覺者則又其形氣偏中之偏者故理之 在性 論仁義禮智之彷彿然亦不可謂無是性也此理 有所不能全矣然其父子之相親君臣之相統問 外别為一物而與性並行也然唯人心至靈 陽 卷二十九

CANDING KIND 言為然如孔子言成之者性又言各正性命何當分 氣質之性又從何處得來耶況亦非獨周程張子之 别某物是有性底某物是無性底孟子言山之性水 本然之性此語猶可笑若果如此則是物只有一 甚明無難晓者又謂枯槁之物只有氣質之性而無 正周子所謂各一其性者向使元無本然之性則此 性只是此性墮在氣質之中故隨氣質而自為一 而人却有兩性矣此語非常醜差蓋由不知氣質之 性理大全書 性

金ケレアノニー 為性故以此為氣質之性性 氣質之性陳才卿謂即是本然之性曰子融認知覺 融 土之氣即有灰土之性安得謂枯稿無性也 來喻水燒為灰灰陰為土亦有此灰土之氣既有 他禀得許多氣故亦只有許多理才卿謂有性 下無無性之物除是無物方無此性若有此物 之性山水何當有知覺耶若於此看得通透即知 謂 枯槁之中有性有氣故附子熟大黄寒此性是 W 巻ニナル 即是理有性即有氣是 無 徐 即 如 子 灰

却堅久難壞 有 性人有近物之性蓋人亦有昏愚之甚者然動物雖 此說亦是是他元不曾專得此道理惟人則得其 7 動物則又近人之性矣故吕與叔云物有近人之 物亦有性是如何曰是他合下有此理故云天 然大黄不可為附子附子不可為大黄 知覺才死其形骸便腐壞植物雖無知覺然其質 知枯槁瓦礫如何有理曰且如大黄附子亦是 問曾見答徐方叔書以為枯稿有理 生里大全書 뒤 問 枯槁

五者一不存馬只是說及本然之性先生以為枯稿 體故天下之物有生氣則五者自然完具無生氣則 元 椅便有竹椅之理枯槁之物謂之無生意則可謂之 生意矣然燒甚麽水則是甚麽氣亦各不同這是理 無生理則不可如朽本無所用止可付之ঙ竈是無 無性外之物因行街云階磚便有磚之理因坐云竹 物亦皆有性有氣此又是以氣質之性廣而備 如此 問竊謂仁義禮智信元是一本而仁為統 卷二十九

鱼好工匠 全言

Z TO THE KILLING 覺者而亡馬但其所以為是物之理則未當不具耳 若如所謂纔無生氣便無此理則是天下乃有無性 是也有生氣已絕而但有形質臭味者枯槁是也是 覺者人獸是也有無血氣知覺而但有生 氣者草木 之性禽獸則昏而不能備草本枯槁則又并與其知 其理之在是者不能不異故人為最靈而備有五常 雖其分之殊而其理則未當不同但以其分之殊則 使之無體洞照而不偏耳曰天之生物有有血氣知 性理大全書

是得陰氣水是得陽氣水堅走獸是得陰氣飛鳥是 陸 猿猴之類是也為又有得陰氣者如雉鵰之類是也 得陽氣故獸伏草而鳥棲木然獸又有得陽氣者 唯草木都是得陰氣然却有陰中陽陽中陰者 否回固是有理如舟只可行之於水車只可行之於 物而理之在天下乃有空闕不滿之處也而可乎 問理是人物同得於天者如物之無情者亦有理 草木都是得陰氣走飛都是得陽氣各分之草

樂 庵李氏曰天地之性人為貴宇宙之間 得仁意否曰只看戕贼之便彫悴亦是義底意思 看 來若枯枝老葉便覺憔悴蓋氣行已過也問此處見 物 動 日 枯 脱 雖 物 **悴不復悦懌他** 耀之時 有知 不可言 植 粒是一生性 於於向祭有這生意皮包不住自进出 知然 沙 無知何也日動 澤本 亦似有知者當觀 般生意亦可點見若戕賊之 物 有血氣故能 = --般花 刼 所 有 樹 知 便 朝 植

南 **金克匹庫全書** 得其偏人得其全也之情若此者豈非天地之性而人獨為貴者何哉物 軒張氏曰 義雅鳩有夫婦之 善者天地之性也而孟子道性善獨 蓋人禀二氣之正而物則其繁氣也人之性善非 物皆具天地之性虎狼有父子之仁螻蟻有君臣之 物俱本乎此者也原物之始亦宣有不善者哉 太 極 動而二氣形二氣 别鴻鳩有兄弟之序鷦鷓 形而 歸之人者何 萬 物化生 有朋友 哉 其

北 氣之正初一 溪 能 分合運行便有參差不齊有清有濁有厚有薄且 人之心所以異乎庶物者獨在於 命受生之後而其性旋有是善也性本善而人禀夫 物 陳氏曰人物之生不出乎陰陽五行之氣本只是 氣分來有陰陽陰陽又分來為五行二與五則管 以自通也惟人全夫天地之性故有所主宰而為 合論同是一氣但人得氣之正物得氣之偏 不隔其全然者耳若物則為氣所昏而 生理ことの 此也 不

銀兵四度一全三官 氣 得氣之通物得氣之塞且如人形骸却與天地 南故人之兩眼皆在前海鹹水所 頭 頭 通 故人百會穴在頂心却向後日月來往只在天之 圓居上象天足方居下象地北極為天中央却在 塞而不通如火煙鬱在裏許所以理義皆不通 小便亦在前下此所以為得氣之正 植 明物氣壅塞人得五行之秀故為萬物之靈 物 頭 向下 枝葉却在上此皆得氣之偏處 卷二十九 歸在南之下故人 如物則禽獸 相 應 物

地之理成這性所以横渠張子曰天地之塞吾其體 地句擬 是理然人之生不成只空得箇理須有箇形骸方載 性命只是一箇道理不分看則不分曉只管分看不 得此理其實理不外乎氣得天地之氣成這形得天 界分不相亂所以謂之命謂之性者何故大抵性只 合看又離了不相干涉須是就渾然一理中看得有 天地之即吾其性塞字只就孟子浩然之氣塞乎天 一字來說氣帥字只就孟子志氣之帥句撥 畜

金 性理大全書卷二十九 只是氣有偏正故理隨之而有通塞耳 所拘所以其理閉塞而不通人物所以為理只一般 所以仁義禮智粹然都與物異物得氣之偏為形骸 只一般因人物受去各不同人得五行之秀正而通 字來說理人與物同得天地之氣以生天地之氣